



UNIVERSITÄTS-
BIBLIOTHEK
PADERBORN

Universitätsbibliothek Paderborn

**F. Cornelii Cvrtili Cæsarei Consiliarij et Historiographi
Ordinis Eremitarum S. Avgvstini S. Nicolavs Tolentinvs
alijque aliquot eiusdem Ordinis Beati**

Curtius, Cornelius

Antuerpiæ

4. Vultu[m] mulieris perversum corrigit.

urn:nbn:de:hbz:466:1-37243

dehiscit terra, hiatuque tam lato sese aperit, ut templi parietes quassari clarè, & ruinam præsentem minari non obscure viderentur. Illicò in genua abjectus iterum NICOLAVS; ò benigne Deus, inquit, qui ex arente humo hac dignatus es limpidum nobis fontem educere, nunc quoque eo frui sine ædis tuæ detrimento clementer indulge. Vix tria hæc verba finierat (fidem penè superat, quod in omnium tamen oculis gestum est) pependere in aère sacræ ædis muri tamdiu immobiles, dum alio vorsum fonte derivato, ultimam operi suo manum fabri imposuerunt.

Haud facile creditu est, quàm latè sanctitatis ejus fama cum prodigiosis hisce aquis in vulgus emanarit: ut cives passim ægri ad monasterium concurrerent, medicamque ejus manum implorarent. Venit Verdiana, cui infestus morbus os oculosque pervererat & à naturali situ in aures fœdè distraxerat, rogavitque levi tantum NICOLAI manu tangi. Vir pius spectaculi

B 7

hor-

3.
NICOLAVS
oratione
templi
muri in
aère sus-
pendit.

4.
Vultum
mulieris
perver-
sum cor-
rigit.

horrore moveri, & moneri ad commiserationem. Cruce ergo signatam dimittit hisce verbis: *Sanctus Dominus Salvator meus Christus*. Vix tam pauca verba elocutus fuerat, os oculique reverti visa ad sedem pristinam, mulier ad solidam valetudinem. Cui tam felici Medico postea eadem ipsa filiolum suum, ab igni, in quem prolapsus fuerat, miserè deformatum obtulit, recepitque eodem modo sanum, & ab omni stigmate integrum.

5.
Ophthalmiam signo crucis curat.

Alteram eodem nomine mulierem Tolentinatē ophthalmia tam pertinax afflixerat, ut de lucis usura in posterum non modò ipsa desperaret, sed omnes simul Ophthalmici conclamarent. At verò NICOLAUS salutari cruce signavit supplicem, dimisitque. *Vade*, ait, *Dominus erigit elisos, Dominus illuminat cecos*. Et mox vidit sibi oculorum aciem restitui & plenum diem.

6.
Eodem cephalalgiam.

Scambii civis Tolentini uxor *Blanda* quindecim omnino annos traduxerat obsessa insanis capitis doloribus, ut neque aures, neque oculi